

四庫全書

子部

欽定四庫全書

子部

外臺秘要方卷二十八

詳校官太醫院吏目臣周世泰

編修臣倉聖脈覆勘

總校官進士臣繆琪

校對官助教臣卜惟吉

謄錄監生臣茅琳

欽定四庫全書

外臺秘要方卷三十八

唐 王燾 撰

中惡方一十三首

病源中惡者是人精神衰弱為鬼邪之氣卒中之也夫
人陰陽順理榮衛調平神守則強邪不干正若將攝失
宜精神衰弱便中鬼毒之氣其狀卒然心腹刺痛悶亂
欲死凡卒中惡腹大而滿者診其脉緊大而浮者死緊

細而微者生又中惡吐血數升脉沉數細者死浮焱如疾者生中惡有差後餘勢停滯發作則變成注

又中惡死候中鬼邪之氣卒然心腹絞痛悶絕此是客邪暴盛陰陽為之離絕上下不通故氣暴厥絕如死良久其真氣復則生也而有乘年之衰逢月之空失時之和謂之三虛三虛而腑臟衰弱精神微羸中之則真氣竭絕則死也其得差者若餘勢停滯發作則變成注

並出

廣濟療卒中惡心腹刺痛去惡氣方

麝香

一分研

青木香

二分

生犀角

二分屑

右三味為散空心熟水服方寸匕日二立効未止更

作忌如常法

出第四卷中

肘後華佗療中惡短氣欲絕方

灸兩足大拇指上甲後聚毛中各灸二七壯即愈

又法三七壯

集驗張文仲備急同

又方

杏仁

七十枚
去尖皮

桂心 二兩

甘草 一兩炙

麻黃

三兩去節
一方四兩

右四味切以水八升煮取三升分三服含嚥之通療

諸昏客忤良忌如常法

又方

韭根 一把

烏梅 十四顆

茱萸 半升

右三味切以勞水一升煮之以病人櫛內中三沸櫛
浮者生沉者死煮取三升飲之大効

又方

桂心 一兩

生薑 三兩

梔子 十四枚

豉 五合

右四味搗碎以酒二升微煮之去滓頓服之取吐爲

度

並出第一卷中

集驗療中惡遁尸心腹及身體有痛處甚者短氣不語
手摸按之得其痛處則病色動惡人近則是痛處方

取艾葉按碎著痛上厚寸餘鑪中煮湯和灰作泥

令熱薄艾上冷輒易之不過再著則愈

出七卷中

又療中惡心痛胃脅疔痛喘急湯方

桃東行枝白皮

一握

真珠

一兩

梔子仁

十四枚

生薑

二兩

當歸

桂心

各三兩

附子

一兩炮

香豉

五合

吳茱萸

五合

右九味切以水八升煮取二升去滓內真珠分二服

忌如常法

小品同

又方

仰卧以物塞兩耳以兩個竹筒內死人鼻中使兩

人痛吹之塞口傍無令氣得出半日所死人即噫
噫勿復吹也 千金同

又方

搗皂莢細辛屑吹兩鼻孔中單用皂莢末亦佳 千金
同並出第四卷中

刪繁療中惡痛欲絕方

釜底墨 五合

鹽一撮

右二味和研以水一升攪調一服 范汪同

又方

牛屎絞取汁五合爲一服口不開扣齒內藥若無

新者乾者即以水和取汁

並出第十卷中

崔氏療卒中惡氣絕方

取真珠研末書鬼字于舌上額上亦書鬼字驗

又方

灸右肩高骨上隨年壯

並出第四卷中

卒死方二十四首

病源卒死者由三虛而遇賊風所為也三虛謂乘年之衰一也乘月之空二也失時之和三也人有此三虛而為賊風所傷使陰氣偏竭於內則陽氣阻隔於外二氣擁閉故暴絕如死也若腑藏氣未絕者良久乃蘇然亦有挾鬼神之氣而卒死者皆有頃邪退乃活也凡中惡及卒忤卒然氣絕其後得蘇若其邪氣不盡者停滯心腹或心腹痛或身體沉重不能飲食而成宿疹者皆變成症

又卒忤死候犯卒忤客邪鬼氣卒急傷人入於腑藏使陰陽離絕氣血暴不通流奄然厥絕如死狀也良久陰陽之氣和乃蘇若腑藏虛弱者死亦有雖蘇而毒氣不盡時發即心腹刺痛連滯變成症也

並出第二十三卷中

甲乙經云黃帝問於岐伯有卒死者何邪使然答曰得三虛者暴疾而死得三實者邪不能傷也黃帝曰願聞三虛答曰乘年之衰逢月之空失時之和因為賊風所傷也願聞三實答曰逢年之盛遇月之滿得時之和雖

有賊風邪氣不能傷也有卒死不知人有復生何氣使然陰氣先竭陽氣未入故卒死而不知人氣復則生

集驗

同出第六卷中

肘後云卒死中惡及尸厥者皆天地及人身自然陰陽之氣有乖離否隔上下不通偏竭所致故雖涉死境猶可療而生緣氣未都竭也當爾之時兼有鬼神於其間故亦可以符術護濟者

又卒死或先有病痛或居常倒仆奄忽而絕皆是中惡

之類療方

取葱刺鼻令入數寸須使目中血出乃佳一云耳中血出佳此扁鵲法同後云吹耳中葛氏吹鼻別

爲一法

肘後集驗備急文仲必効等同崔氏亦療中惡

又方

令二人以衣壅口吹其兩耳亦可以葦筒吹之

肘後同

又方

以葱刺耳耳中鼻中血出者勿怪無血難療之有

血者是活候也其欲蘇時當捧兩手莫放之須臾
死人目當舉手撈人言痛乃止男刺左鼻女刺右
鼻孔令入七寸餘無苦立効亦療自縊死此扁鵲

法

肘後集驗備急同

又方

視其上脣裏弦有青息肉如黍米大以針決去之

差

肘後同

又方

以小便灌其面數過即能活扁鵲法也

肘後集驗張文仲備急同

又方

以綿漬好酒內鼻中手按令汁入鼻中並持其手

足莫令驚動也

肘後同

又方

灸其脣下宛宛中名承漿十壯大良

肘後同並出第一卷中

文仲療卒死方

濕牛馬糞絞取汁以灌其口中令入喉若口已噤

者以物強發若不可強發者扣折齒下之若無新

者以水若人尿和乾者絞取汁扁鵲法

集驗備急
時後同

又方

以細繩圍其人肘腕中男左女右伸繩從背上大

椎度以下行脊上灸繩頭

一云五十壯

又從此灸

橫行各半繩此凡三灸各灸三壯即起

又方

令人痛爪其人人中取醒不起者捲其手灸下文

頭隨年壯

又方

灸鼻下人中三壯

又方

灸臍中百壯

又方

半夏末如大豆許吹鼻中

又方

搗薤若韭取汁以灌口鼻中

張文仲集驗范汪同

又方

猪膏如雞子大苦酒一升煮沸灌喉中

集驗肘後備急同

又卒死而壯熱者方

礬石半斤煮以漬脚令沒踝

肘後范汪同並出第一卷中

備急療卒死而目閉者方

騎牛臨其面搗薤汁灌耳中末皂莢吹鼻中

集驗

文仲肘後范汪同

又療卒死而張目反折者方

灸手足兩爪甲後各十四壯飲以五毒諸膏散有

巴豆者良

肘後張文仲同

又療卒死而四肢不收失便者方

馬屎一升水三斗煮取二斗以洗足又取牛糞一

升溫酒和灌口中

肘後同

又方

灸心下一寸臍上三寸臍下四寸各百壯良

肘後同

又卒死而口噤不開者方

縛兩手大拇指灸兩白肉中二十壯

肘後文仲范

汪同並出第一卷中

集驗療卒死無脉無他形候陰陽俱竭故也方

牽牛臨鼻上二百息又灸熨斗以熨兩脅下鍼兩

間使各百餘息灸人中

又療卒死而有脉形候陰氣先盡陽氣後竭故也方

嚼薤哺灌之

肘後文仲千金范汪同並出第一卷中

古今錄驗司空三物備急散療卒死及感忤口噤不開者方

巴頭

去心皮熱

乾薑

大黃

各等分

右藥擣篩為散服如大豆許二枚以水三合和之腹脹煩熱復飲水能多益佳

又療心腹痛幾死服此丸令小利差如腹常滿痛當令得下差一方服一刀圭以酒下之不能刀圭者便丸如大豆許四枚不知復加一豆許不差又加一豆許若病

者口噤不能自飲掘口含之藥不預合預合氣力歇卒
病者便合之無白木柅中擣耳不過三服取利無不差
者蜜丸尤良

出第四卷中

客忤方一十三首

病源卒忤者亦名客忤謂邪客之氣卒犯忤人精神也
此是鬼厲之毒氣中惡之類也人有魂魄衰弱者則為
鬼氣所犯忤喜於道間門外得之其狀心腹絞痛脹滿
氣衝心胃或即悶絕不復識人肉色變異腑臟虛竭者

不療即至於死然其毒氣有輕重輕者微療而差重者
侵尅腑臟雖當時救療餘氣停滯久後猶發乃變成症
出第二十三卷中

肘後論曰客者客氣也忤者犯也謂客氣忽犯人也此
惡鬼毒厲之氣療之多愈亦有侵尅藏腑經絡雖差後
猶宜治療以消餘勢不爾終為人患有時輒發

又客忤死者中惡之類也喜於道間門外得之令人心
腹絞痛脹滿氣衝心胃不即療亦殺人方

灸鼻下人中三十壯愈

備急文仲同

又方

以水漬粳米取汁二升以飲之口已噤者以物強發之

又方

以銅器瓦器盛熱湯器著腹上冷者徹去衣器襯肉大冷者易以熱湯取愈也

又方

先以衣三重藉腹上以銅器著衣上取茅草於器中燒之草盡再益勿頓多也取愈乃止

備急文仲同

又方

以繩橫其人口以度度臍四面各一處灸三壯令火俱起也

又方

橫度口中折之令上頭著心下灸下頭五壯也

並出

第一卷中

又療客忤心腹絞痛脹滿氣衝心胃煩躁壯熱或氣悶
絞刺鬼魅之氣未散方

麝香

一錢

茯神

人參

天門冬去心

鬼臼

菖蒲

等分

右六味蜜丸如桐子服十九日三

文仲扁鵲療客忤有救卒死符並服鹽湯法恐非庸世
所能用故不載而此病即今人所謂中惡者與卒死鬼
擊亦相類焉療皆叅取而用之已死者方

擣生菖蒲根絞取汁含之即愈

備急肘後同

又療卒忤停尸不能言者方

燒桔梗二枚末飲服之

又方

細辛

桂心 各等分

右二味內口中

肘後備急同

又卒忤口噤不開者方

生附子末置管中吹內舌下

備急肘後同並出第一卷中

千金療客忤惡氣方

吞麝香如大豆立驗

出第五卷中

千金翼客忤方

灸間使七壯又肩井百壯又十指甲下各三壯

出第

二十七卷中

卒魘方二十一首

病源卒魘者屈也謂夢裏為鬼邪之所魘屈也人卧不寤皆是魂魄外遊為他邪所執錄欲還未得致成魘也

忌火照火照則魂魄遂不復入乃至於死而人有於燈
光前魘者本由明出所以不忌火也其湯熨針石別有
正方補養宣導今附於後養生方導引法云拘魂門制
魄戶名曰握固法屈大拇指著四小指內抱之積習不
止眠時亦不復開令人不魘魅又云人魘忽然明喚之
魘死宜闇喚之好唯得遠喚亦不得近而急喚亦喜失
魂魄也又魘不寤候人眠睡則魂魄外遊為鬼邪所魘
屈其精神弱者魘則久不得寤乃至氣暴絕所以須傍

人助喚並以方術療之即蘇也

並出第二十三卷中

肘後療卒魔寐不寤方

卧忽不寤勿以火照之殺人但痛齧其脚踵及足
拇指甲際而多唾其面則覺也

又方

皂莢末以竹筒吹兩鼻孔中即起三兩日猶可吹
之也

又方

以筆毛刺兩鼻孔男左女右展轉進之取起也

集驗同

又方

擣薤取汁吹兩鼻孔冬日取韭絞汁灌口

集驗仲

景文仲備急同

又方

以蘆管吹兩耳並取其人髮二七莖作繩內鼻孔

中割雄雞冠取血以管吹喉咽中大良

並出第一卷中

集驗療卒魘方

以鹽湯飲之多少在意並嚙其足大指爪際痛嚙之即起也

肘後文仲備急同

又方

以其人置地取利刀畫從肩起男左女右畫地令周遍訖以刀鋒刺病人鼻下人中令入一分急持勿動其人當鬼語求去乃具問阿誰以何故來自當乞去乃以指滅向所畫地當肩頭數寸令得去

又方

雄黃細篩管吹兩鼻孔中佳

並出第一卷中

崔氏主卒魘方

以甌帶左索縛其肘後男左女右用餘猶急絞之

又縛牀脚乃詰問其故

肘後古今錄驗同

崔氏云療卒狂鬼語方以甌帶急令縛兩手大指
便灸左右脅下屈肘頭尖各七壯須臾鬼語自道
姓名乞去徐詰問乃解其手

文仲療卒魘方

令一人坐頭邊守一人於戶外呼病人姓名坐人

應曰在便甦活也

肘後同

又人喜魘及惡夢者方

以下並辟魘方

取燒死人灰著履中令枕之

又方

帶雄黃男左女右也

又方

枕麝香一分於頭邊佳又灌香少許

又方

以虎頭為枕佳

又方

取雄黃如棗核繫左腋下令人終身不魘也

集驗范汪同

又方

作犀角枕佳

又方

青木香內枕中并帶之亦佳

並出第一卷中

千金小定心湯療虛羸心氣驚弱多魘方

茯神

四分一本
作茯苓

甘草

芍藥

乾薑

大棗

十五枚
擘

遠志

去心

人參

桂心

各二兩

右八味切以水八升煮取三升分三服日三忌如常法

又大定心湯療心氣虛悸恍惚多忘或夢寤驚魘志少不足方

人參

茯苓

茯神

遠志

去心

赤石脂

龍骨

乾薑

當歸

甘草

炙

白朮

芍藥

大棗

桂心

防風

紫苑

各二兩

右十五味切以水一斗二升煮取三升半分為五服

日三夜二忌如常法

千金翼療卒魘不覺方

灸兩足大指聚毛中二十一壯

范汪同出第二十七卷中

備急療卒魘不寤方

末灶下黃土或雄黃桂心末亦得

右以蘆管吹入兩鼻孔中

文仲同出第一卷中

鬼擊一十首

病源鬼擊者謂鬼厲之氣擊著於人也得之無漸卒著
如人以刀矛刺狀胃脅腹內絞急切痛不可抑按或即
吐血或鼻中出血或下血一名為鬼排言鬼排觸於人
也氣血虛弱精魂衰微忽與鬼神遇相觸突致之為其
所排擊輕者因而獲免重者多死也

出第二十三卷中

肘後鬼擊之病得之無漸卒著如人以刀矛刺狀胃脅

腹內絞急切痛不可抑按或即吐血或鼻中出血或下血一名鬼排治之方

灸臍上一寸七壯及兩踵白肉際差

千金翼同

又方

熟艾如鴨子大三枚以水五升煮取二升頓服之

並出第一卷中

文仲療鬼擊方

鹽一升以水二升和攪飲之并以冷水濕之須臾

吐即差 備急肘後同

又方

粉一撮於水中攪飲之 備急肘後同

又方

以淳苦酒吹令入兩鼻孔中 肘後同並出第一卷中

備急療鬼擊方

燒鼠至末如黍米許水和服不能飲以水和少許

內喉中 肘後文仲同

又方

升麻

獨活

桂心 各等分

右三味為末酒服方寸匕立愈

肘後同

又有諸丸散並在備急條中今巫覡實見人忽被神鬼所擊刺擺擯者或犯其行伍或遇相觸突或身神散弱或愆負所招輕者獲免重者多死猶如周宣燕簡輩事不為虛也必應死者亦不可療要自不得不救之耳

肘後

同並出第一卷中

刪繁倉公散方

特生礬石

燒半日研

皂莢

炙去皮子

雄黃

研

藜蘆

熬

右四味等分搗為末主療卒鬼繫鬼排鬼刺心腹痛
下血便死不知人及卧魘啗脚踵不覺者諸惡毒氣
病取前散如大豆許以管吹入鼻中得嚏則氣通便
活若未嚏復更吹之得嚏為度此藥能起死人漢文
帝太倉令淳于意以此方療如前病勝餘方若別疾
不若玉壺丸等法

崔氏備急范汪等同出第六卷中

千金翼療鬼擊方

灸臍下一寸三壯

出第二十七卷中

尸厥方一十二首

病源尸厥者陰氣逆也此由陽脉卒下墜陰脉卒上升陰陽離居榮衛不通真氣厥亂客邪乘之其狀如死猶微有息而不常脉尚動而形無知也聽其耳內循循有如嘯之聲而股間暖者是也耳內雖無嘯聲而脉動者故當以尸厥療之診其寸口脉沉大而滑沉則為實滑

則為氣實氣相搏身溫而汗此為入腑雖卒厥不知人
氣復則自愈若脣正青身冷此為入藏亦卒厥不知人
即死候其左手關上脉陰陽俱虛足厥陰足少陽俱虛
也病若恍惚不知人妄有所見

張仲景云尸厥脉動而無氣氣閉不通故靜而死也治方
菖蒲屑納鼻兩孔中吹之令人以桂屑著舌下

又方

取左角髮方寸匕燒末酒和灌令入喉立起

肘後方

白馬尾二七莖白馬前脚甲二枚燒之以苦酒九
如小豆大開口吞二丸須臾服一丸

又方

灸鼻人中七壯又灸陰囊下去下部一寸百壯若
婦人灸兩乳中又云爪刺人中良久又針人中至
齒立起此扁鵲法

又方

以繩圍其臂腕男左女右繩從大椎上度下行脊上灸繩頭盡處五十壯活此是扁鵲法

又方

熨其兩脇下取炷中墨如彈丸大漿和飲之更以管吹耳中令三四人更互吹之

又方

以小管吹鼻孔梁上塵如豆大著中吹之令入

又方

針百會當鼻中入髮際五寸許針入三分補之針
足大指甲下肉側去甲三分又針足中指甲上各
三分大指之肉去端韭葉許又針手少陰銳骨之
端各一分

又方

灸臆中季肋間二七壯也

肘後惟云灸臆中集驗
同並出第一卷中

千金論曰風寒之氣客於藏間滯而不能發故瘡不能
言及喉痺失聲皆風邪所為也入藏皆能殺人凡尸厥

如死脉動如故此陽脉下墜陰脉上爭氣閉故也療方
灸百會百壯鍼入三分補之

又方

鍼足中指頭去甲如韭葉並刺足大指甲下內側
去甲三分

崔氏論曰凡尸厥為病脉動而形無所知陽脉下墜陰
脉上爭榮衛不通其狀如死而猶微有息其息不常人
乃不知欲殞殮者療之方

急可以蘆管吹其兩耳極盡以氣吹之立起若人
氣極可易人吹之 出第四卷中

中蠱毒方二十一首

病源凡蠱毒有數種皆是變惑之氣人有故造作之多
取蠱蛇之類以器皿盛貯任其自相噉食唯有一物獨
在者即謂之為蠱便能變惑隨逐酒食為人患禍患禍
於他則蠱主吉利所以不羈之徒而畜事之又有飛蠱
去來無由漸狀如鬼氣者得之卒重凡中蠱病多趨於

死以其毒害勢甚故云蠱毒著蠱毒面青黃者是蛇蠱其脉洪壯病發之時腹內熱悶胃脅支滿舌本脹強不喜言語身體常痛又心腹如似蟲行顏色赤脣口乾燥經年不治肝膈爛而死其面色赤黃者是蜴蜥蠱其脉浮滑而短病發之時腰背微滿手脚脣口悉皆習習而喉脉急舌上生瘡二百日不治噉人心肝盡爛下膿血羸瘦顏色枯黑而死其面色青白又云其脉沉濡病發之時咽喉塞不欲聞人語腹內鳴喚或上或下天陰雨

轉劇皮內如蟲行手脚煩熱嗜醋食欬唾膿血顏色乍
白乍青腹內脹滿狀若蝦蟇若成蟲吐出成科斗形是
蝦蟇蠱經年不治噉人脾胃盡脣口裂而死其脉緩而
散者病發之時身體乍冷乍熱手脚煩疼無時節吐逆
小便赤黃腹內悶胃痛顏色多青毒或吐出似蜚蠊有
足翅是蜚蠊蠱經年不治噉人血脉枯盡而死欲知是
蠱與非常令病人唾水內沉者是蠱浮者非蠱又云旦
起取井花水未食前當令病人唾水內唾如柱脚直下

沉者是蠱毒沉散不至下者草毒又云含大豆若是蠱
豆脹皮脫若非蠱豆不爛脫又云以鵠皮置病人卧下
勿令病人知若病劇者是蠱也又云取新生雞子煮熟
去皮留黃白令完全日晚口含以齒微嚙勿令破作兩
炊時夜吐瓦上著霜露內旦看大青是蠱毒也昔有人
食新變鱧魚中毒病心腹痛心下鞭發熱煩冤欲得水
洗沃身體搖動如魚得水狀有人診云是蠱其家云從
無此毒不作蠱治遂死其湯熨鍼石別有正方補養宣

導今附於後養生方導引法云兩手著頭相叉坐地緩舒兩脚以兩手從外抱膝中痛低頭入膝間兩手交叉頭十二通愈蠱毒及三尸毒腰中大氣又云常度日月星辰清淨以雞鳴安身卧漱口三咽之調五藏殺蠱蟲令人長生治心腹病又云治百病邪蠱當正卧閉目閉氣內視丹田以鼻徐徐內氣令腹極滿徐徐以口吐之勿令有聲令入多出少以微為故存視五藏各如其形色又存胃中令鮮明潔白如素為之倦極汗出乃止以

粉粉身摩捋形體汗不出而倦者亦可止明日復為之
又當存作大雷電光走入腹中為之不止病自除

出第

二十五卷中

千金論曰蠱毒千品種種不同或吐下鮮血或好卧闇
室不欲見光明或心性反常乍嗔乍喜或四肢沉重百
節酸疼如此種種狀貌說不可盡亦有得之三年乃死
急者一月或百日即死其死時皆於九孔中或於脅下
肉中出去所以出門常須帶雄黃麝香神丹諸大辟惡

藥則百蟲貓鬼狐狸老物精魅永不敢著人養生之家
大須慮此以下亦有灸法初中蠱於心下作艾炷灸一
百壯並主貓鬼亦灸得差

又論曰世有拙醫見患蠱脹者徧腹腫滿四肢如故小
便不甚澁以水病療之近服水藥經五十餘日望漸痊
愈日復增加奄致殂殞如此者不一學者當細尋方意
消息用之萬不失一醫方千卷不盡其理所以不可一
一備述云爾

出第二十五卷中

廣濟療蠱毒方服此升麻散三四日後即服前光砂丸
方

升麻

桔梗

枯樓 各五兩

右三味擣為散以熟湯洗所患人陰中再以濃汁服
方寸七日二服漸加至二七內消忌粘食豬肉 出第

四卷中

肘後療中蠱毒諸方人有養畜蠱毒以病人凡診法中
蠱狀令人心腹切痛如有物齧或吐下血不即療之食

人五臟盡即死矣欲知是蠱與非當令病人唾水沉者是浮者非也

小品文仲備急集驗千金並翼同

又欲知蠱主姓名方

取鼓皮一片燒灰末以飲服病人須臾自當呼蠱主姓名可語令知便即去病愈矣亦有以蛇涎合作蠱毒著飲食中使人得瘕病此一種積年乃死療之各自有藥江南山間人不可不信之

又方

以蓑荷密著病人卧席下亦能令呼蠱主姓名也

文仲備急千金並翼同出第三卷中

小品療蠱方

鼓皮

廣五寸
長一尺

薔薇根

五寸如足
方云薔薇根
大細切本

右二味以水一升清酒三升煮取一升頓服之當下

蠱即愈

千金古今錄驗同千金治蠱吐下血

又方

土瓜根大如拇指長三寸切以酒半升漬一宿一

服當吐下

古今錄驗同

又方

皂莢三挺長一尺者炙去皮子美酒一升漬一宿

去滓頓服

古今錄驗范汪同時後云以酒五升分三服

又方

取薺萆根搗為末以飲服方寸匕

古今錄驗同

千金犀角丸療蠱毒百病腹暴痛飛尸惡氣腫方

犀角

末

羚羊角

末

鬼臼

桂心

各量四錢七

天雄

炮

莽草

炙

真珠

研

雄黃

研各一兩

麝香

半兩
研

貝齒

燒灰
五枚

赤足蜈蚣

五節
炙

射罔

如雞子
黃三枚

巴豆

五十枚
去皮心熬

右十三味各擣合篩之以蜜和為丸如小豆大服一

丸不知增一丸卒得腹中痛飛尸服如大豆二丸若

惡氣腫以苦酒和以塗之甚良以絳囊盛藥繫男左

女右臂辟惡可以備急療萬病也忌如常法

崔氏古

今錄驗范汪同出第二十五卷中

千金翼療蠱毒方

槲木北陰白皮一大握長五寸以水三升煎取一升空腹服之即吐蠱出也並療蠱下血

出第十五卷中

崔氏療蠱方

黃瓜樓根乾者二兩搗以綿裹酒一升漬一日去滓溫服之少時即吐利蠱即出後煮粥飲服一兩蠱吐利即斷不斷即煮人參甘草炙生薑各一兩服之此根唯山南者好

出第三卷中

備急療蠱方

取白鴿毛糞燒灰以飲和服之良

又療蠱方人家雖藏此方而不知如此効驗

搗生栝樓根取汁一升醬汁少許和溫服之須臾

吐蠱出試驗

並出第十六卷中

必効療蠱毒大神驗方

大戟

桃白皮

東引者以火烘之

班貓

去足翅熬等分

右三味搗篩為散以冷水服半方寸匕一服其毒即

出未出更一服蠱並出李饒州法云奇効若以酒中

得則以酒服若食中得以飲服之

崔氏千金同肘後云斑毛一分桃皮

大戟各二分和棗核大米清飲服吐出蠱
十日不差更一服千金崔氏云服八捻

又方

胡荽根擣取汁半升和酒服之立下

又方

取未鑽相思子二七枚擣碎為末煖水半盞和攪
頓服之令盡即當欲吐抑之勿吐若耐不得即大

張口吐之其毒即出出訖服稀粥勿食諸肉輕者
但服七枚差無問年月深淺非常神効勿輕之

又試蠱法

取銀匙若筋或釵含之經宿色黑即是不黑者非

出第三卷中

古今錄驗療蠱方

巴豆

十枚去
心皮熬

豉

半升熬

釜底墨

方寸匕

右三味搗篩為散清旦以酒服如簪頭大小行蠱主

當自至門勿應之去到家立自知其姓名

又雄黃丸主蠱毒中藥欲死方

雄黃

研

硃砂

研

藜蘆

炙

馬目毒公

皂莢

炙去皮
子二分

莽草

炙二分

巴豆

去心皮熬各二分

右七味搗篩以蜜丸如大豆許服三丸當轉下先利
清水次出蛇等當煩悶者依常法可用鴨羹補之忌
如常法

又療中蠱毒方

取牡丹根擣末服一錢七日三服至良忌胡荽

范

汪同

又療中蠱胡洽方

以猪膽導下部至良

肘後集驗范汪同並出第四十五卷中

蠱吐血方一十首

病源蠱是合聚蟲蛇之類以器皿盛之任其相噉食餘一存者名為蠱能害人食人腑藏其狀心切痛如被物啣或鞭面目青黃病變無常是先傷於膈上則吐血也

不即治之食藏腑盡則死

出第二十五卷中

肘後療中蠱毒吐血或下血皆如爛肝方

茜根

藁荷根

各三兩

右二味呔咀以水四升煮取二升去滓頓服即愈又

當自知蠱主姓名

千金小品崔氏文仲備急古今錄驗同

又方

巴豆

一枚去皮熬

豉

三粒

釜底墨

方寸匕

右三味搗分作三丸飲下一丸須臾當下蠱毒不下

更服一丸

小品必効集驗文仲備急范汪同並出第三卷中

范汪療中蠱吐血方

麥麴二升熬以水服之令盡當下蠱

又方

苦瓠一枚以水二升煮取一升分服當吐蠱如蝦

蟇科斗之類苦瓠毒可臨時量用之

肘後千金小品文仲備急

古今錄驗同千金云苦瓠一分治下血

又方

生桔梗搗取汁服二三升日三服牛膝根亦得並
出第十四卷中

文仲療中蠱吐血方

羚羊皮

方三寸敗鼓皮亦佳

苦參

蘘荷根

三兩

黃連

二兩

當歸

二兩

右五味切以水七升煎取二升分三服

備急集驗同方有苦瓠

又方

取桑木心剉一斛於釜中以水淹之令上有三寸

煮取二斗澄取清又微火煎得五升宿勿食旦服

五合則吐蠱毒

崔氏集驗古今錄驗同

又方

雄黃

研

釜月下黃土

獺肝

炙各如棗

班貓

十四枚去足翅熬

右四味搗末以酪漿服之分為三四服則吐蝦蟇品小

同古今錄驗方有大黃如棗大或吐蝦蟇及蛇等物餘同范汪同

崔氏療中蠱吐血方

雄黃

研

丹砂

研

藜蘆

炙各一兩

右三味搗篩為散旦以井花水服一刀圭當吐蠱毒

忌生血物狸肉

肘後集驗同

凡蠱有數種而人養作

者最多也郡縣有名章者尤甚今東有句章章安故鄉南有豫章無村不有無縣不有而不能如此之甚耳非唯其飲食不可噉乃至目色之已入人類此輩小易療復有自然飛蠱狀如鬼氣者難療此諸種得真犀角麝香雄黃為良藥人可常帶此亦預防之易有蠱卦又子產所說並以器皿中蟲為蠱今省凡皿

上安一蟲字或作蟲邊大非體也 並出第四卷中

小品療中蠱心痛吐血欲死方

鹽一升淳苦酒一升煮令消和一服立吐蠱毒出

已用良驗

肘後文仲備急古今錄驗同出第四卷中

蠱下血方九首

病源蠱是合聚蟲蛇之類以器皿盛之任其自相食噉
餘畱一存者為蠱能變化為毒害人有事之以毒害多
因飲食內行之人中之者心腹懊痛煩毒不可忍食人

五臟下血瘀黑如爛雞肝

出第二十五卷中

小品療蠱毒腹痛注下赤血躑躅散方

羊躑躅

乾薑

藜蘆

熬

附子

炮

巴豆

去皮
心熬

野葛皮

肉桂

丹砂

研

雄黃

研

蜈蚣

炙各一分

右十味搗為散以水服一刀圭不知加一粟米忌猪

肉蘆笋生血物生葱狸肉

古今錄驗同

又療蠱下血欲死方

薔薇根

剉一升

牛膝

五分

連翹子

一升

臘

一彈子許

右四味切以水四升煮取三升分三服即愈

古今錄驗同

又療諸蠱大便下血日數十行方

巴豆

二七枚

藜蘆

炙

附子

炮

芫青

去足翅熬

礬石

各二分熬汁盡

右五味搗下篩別研巴豆如膏和相得以綿裹一大

豆許內下部中日二三愈忌同前方

千金古今錄驗同並出第四卷中

千金凡忽患下血以上件方療更增劇者此是中蠱其

下血狀如鴨肝腹中絞痛急者此方主之

茜根

升麻

屑角

各三兩

地榆

白蘘荷

各四兩

桔梗

黃蘗

黃芩

各一兩

右八味切以水九升煮取二升半分三服

又凡卒患血痢或赤或黑無有多少此皆是蠱毒粗醫以斷痢處之此大非也

又療中蠱毒吐血下血皆如爛雞肝令人心腹絞切痛如有物齧若不即療令人五藏盡乃死驗之法欲知是

蠱令病人唾水中沉者是蠱浮者非蠱也方

槲木北陰白皮

桃根皮

蝟皮

炙一方寸七

亂髮灰

一方寸七

生麻子

汁五升

右五味先煮槲皮桃根取濃汁一升和麻子汁亂髮灰蝟皮末等令病者少食旦服一升須臾著盆水以

鷄翮攪吐水中如牛涎犢胎及諸蠱毒之物

出第二十卷中

千金翼療蠱毒下血方

蝟皮燒灰以水服方寸七當吐蠱毒

出第十五卷中

崔氏療中蠱下血及毒下羚羊皮湯方

羚羊皮

方三寸灸

藁荷根

四兩

苦參

黃連

各二兩

當歸

升麻

犀角

各三兩

右七味切以水九升煮取三升分三服無藁荷根以茜根代之

又療中蠱毒瀉血日夜無度腹痛不可忍方

取白藁荷葉四五枚私內著病人眠卧處席下勿令病人知之若為蠱毒所傷則不肯在上眠即知

是蠱毒為病用皂莢三挺炙去皮子打碎用極醲醋四升於甕器中候日正午時漬皂莢又以新白布三尺蓋上布上又橫一口食刀正對病人眠牀下安之至來日午時取藥用蓋藥布濾去滓分三服每服相去如人行十里久若不肯服可將鍼刺兩手大拇指端甲亦不勞深其鍼且勿拔出病人當自服藥蠱毒或吐或大便中出除其血即斷腹痛亦除此方用皆驗 並出第三卷中

古今錄驗療卒中蠱下血如雞肝者晝夜下石餘血四
藏悉損唯心未毀或乃鼻破待死方

桔梗搗末以酒服方寸七日三不能下藥以物搗
口開灌之心中當煩須臾自靜有頃下蠱至服七
日止當服猪肝臠以補之

出第四卷中

五蠱方一十二首

千金太上五蠱丸主百蠱吐血傷中心腹結氣或堅氣
塞咽喉語聲不出短氣欲死飲食不下吐逆上氣去來

無常狀如鬼祟身體浮腫心悶煩疼寒戰夢與鬼交狐
狸作魅卒得心痛上又胃脅痛如刀刺經年累歲著牀
不起悉主之方

雄黃

研

椒目

熬

巴豆

去心皮熬

鬼白

莽草

炙

芫花

熬

真珠

藜蘆

炙

礬石

各四分燒

獺肝

炙二分

附子

炮去皮五分

蜈蚣

三枚炙

班貓

三十枚去翅足熬

右十三味搗末蜜和更搗一二千杵每服如小豆一

丸餘密封勿泄十九為一劑如不中病後日增一丸
以下利為度當下蟲種種狀貌不可具載下七日後
將息服一劑三十年百病盡除忌五辛猪肉冷水生
血物狸肉蘆笋等

又方

酒服桔梗犀角末方寸匕日三服不能自服揭口
與藥下心中當煩須臾自靜有頃下至七日止當
食豬脾以補之

並出第二十五卷中

崔氏療五蠱毒方

一曰蛇蠱食中得之咽中如有物嚥之不入吐之不出悶亂不得眠心熱不能食方

服馬薤苓根即吐出又服麝香方寸匕亦自消或吐出也

二曰蠅蝗蠱得之胃中忽然或哽入咽怵怵如蟲行欬而有血方

服獾肥脂即下或吐或自消也

三曰蝦蟇蠱得之心腹脹滿口乾思水不能食悶亂大喘而氣發方

服車脂半升即出

四曰科斗蠱同上療法甚驗

五曰草蠱術在西涼以西及嶺南人多行此毒人咽刺痛求死方

服甘草藍汁即自消

又方

五蠱共一法療之但取產婦胎衣切之暴乾為散
水和服半錢七五毒自消

又方

含升麻嚙汁

又方

五蠱都服馬箠苓苗似蘿摩草形正直上取雞子
大搗為散服半錢七或至一七五蠱毒之病多在
喉中常須記之或小醫不識此病言胃冷虬動或

浪稱是注灸刺浪服諸藥枉死也此由醫生未經
歷故也宜令審別之 並出第三卷中

古今錄驗五蠱湯方

犀角 三兩

蘘荷根

黃連

絳草

當歸

各二兩

羚羊皮

方二寸灸

右六味切以水七升煮取二升分為三服

又五蠱下利去膏血赤痢丸方

芫花

一升

巴豆

一百枚

赤痢

方圓一寸

右三味搗篩以蜜為丸更搗丸如胡豆服一九如下
利不止以清粥汁止之不下小增之欲令陰除不令
大下

范汪同並出第四十五卷中

蠱注方三首

病源蠱注者住也言其病遲滯停住死又注易傍人也
蠱者是聚蛇蠱之類以器皿盛之令其自相噉食餘有
一箇存者為蠱也而能變化人有造作飲事之者以毒
害於他多於飲食內而行用之中之者心悶腹痛其食

五藏盡則死有緩有急急者倉卒十數日便死緩者延引歲月遊走腹內常氣力羸憊骨節沉重發則心腹煩懊而痛令人所食之物亦變化為蠱漸侵食腑藏盡而死死則病流注染著傍人故為蠱注也

出第二十四卷中

范汪療蠱注百病癥瘕積聚酸削骨肉大小便不利卒忤遇惡風臙脹腹滿淋水轉相注殫門盡戶延及男女外孫醫所不能療更生十七物紫參九方

紫參

人參

半夏

洗

藜蘆

代赭

桔梗

白薇

肉蓯蓉
各三分

石膏
一分

大黃
一分

牡蠣
一分
熬

丹參
一分

蝦蟇
灰

烏頭
炮四分

狼毒
一分

附子
炮五分

巴豆
七十枚去心皮熬

右藥搗篩蜜和為丸以飲下如小豆一九日三服老
小以意減之蜂蠆所螫以塗其上神良忌羊肉冷水
一方無蝦蟇有乾薑四分出第十四卷中

小品雄黃丸療蠱注四肢浮腫肌膚消索欬逆腹大如

水狀漏泄死後注易家人方一名蠱脹方

雄黃

研

巴豆

莽草

灸

鬼白

各四分

蜈蚣

三枚灸

右五味搗篩為末蜜和更搗三千杵藥成密器封之
勿令泄氣宿勿食服如小豆一九不知加一九當先
下清水蟲長數寸及下蛇或如壞雞子或白如膏下
訖後作葱豉粥鴨羹補之忌生魚生菜豬肉蘆笋冷
水煖食將養也

千金同出十四卷中

集驗療鬼注蠱注毒氣變化無常鮫魚皮散方

鮫魚皮

鵲魚斑皮是

犀角

麝香

研

龍骨

丹砂

研

雄黃

研

蘘荷葉

鹿角

炙各一分

蜈蚣

炙一枚

椒

一分汗

乾薑

一分

貝子

十枚

雞舌香

一分

右十三味搗篩為散空心酒服一錢七日三服

出第一卷中

蠱毒雜療方五首

小品療蠱似虵方

雄黃

研

麝香

研

右二味各如大豆許取生羊肺如指大以刀開取雄黃等末以肺裹吞之

崔氏集驗古今錄驗同

又療人食菜及菓子中蛇毒方

大豆末以酒漬取汁半升服之又以雞血和真鐵

精吞如梧子大一丸

古今錄驗同

又療有人食新變魚取飽中毒病心腹痛心下堅發熱煩冤欲得水沃身動搖如魚得水狀有人診病云是蠱

家云野中相承無此毒不作蠱療之遂死

並出第四卷中

千金療人得藥雜蠱方

斑猫

六枚去足翅熬

桂心

一片如指大

釜月下土

如彈丸大

藜蘆

如指大炙

右四味搗散水服一錢七下蟲蛇蝦蟇蜚蝗白蟲

又療有人中蠱毒腹內堅如石面目青黃小便淋瀝變狀無常方

犀角

一兩

芍藥

一兩

黃連

二兩本方一兩

梔子仁

十枚

藁荷葉

四兩半

牡丹皮

一兩

羚羊皮

方廣五寸灸

右七味切以水五升煮取一升半去滓分溫再服

翼古

今錄驗同出第二十五卷中

古今錄驗療食中有蠱毒令人腹內堅痛面目青黃淋
露骨立病變無常方

爐中取鐵精細研別搗烏雞肝和之丸如梧子大
以酒服三九日三服甚者不過十日愈微者便愈
肘後崔氏同出第四十五卷中

猫鬼野道方三首

病源猫鬼者云是老狸野物之類變為鬼域而依附於
人人畜事之猶如事蠱以毒害人其病狀心腹刺痛食
人腑藏吐血痢血而死又野道者是無主之蠱也人有
畜事蠱以毒害人為惡既積乃至死滅絕其蠱則無所
依止浮遊田野道路之間有犯害人者其病發猶是蠱
之狀但以其於田野道路得之故謂之野道

並出第二
十五卷中

千金療猫鬼野道病歌哭不自由方

五月五日取自死赤蛇燒作灰研井花水服方寸
七日一服

又療猫鬼眼見猫狸並耳有所聞方

相思子

草麻子

巴豆各一枚

朱砂末

蠟各四銖

右五味擣作丸取麻子許含之即以灰圍患人前頭
著一斗灰火吐藥火中即畫火上作十字其猫鬼並
皆死矣忌猪肉蘆筍生血物

翼方有峭粉出第二十
六卷中

古今錄驗療妖魅貓鬼病人不肯言鬼鹿角散方

鹿角屑搗散以水服方寸匕病者即言實也

出第

四十五卷中

自縊死方一十五首

病源人有不得意志者多生忿恨徃徃自縊以繩物繫頸自懸挂致死呼為自縊若覺早雖已死徐徐捧下其陰陽經絡雖暴擁閉而藏腑真氣故有未盡所以猶可救療故有得活者若見其懸挂便忽遽截斷其繩則不

可救此言氣已擁閉繩忽暴斷其氣雖通而奔並運悶
氣則不能還即不復得生又云自縊死旦至暮雖已冷
必可活暮至旦則難療此謂其晝則陽盛其氣易通也
夜則陰盛其氣難通也又云夏則夜短又熱則易活又
云氣雖已斷而心微溫一日以上猶可活也

出第二十
三卷中

肘後葛氏療自縊死心下尚微溫久猶可活方

徐徐抱解其繩不得斷之懸其髮令足去地五寸
許塞兩鼻孔以蘆管內其口中至咽令人噓之有

頃其腹中礮礮轉或是通氣也其舉手撈人當益
堅捉持更通噓之若活了能語乃可置若不得懸
髮可中分髮兩手牽之

又方

皂莢末葱葉吹其兩鼻孔中逆出復內之

千金備急
丈仲同

又方

以蘆管吹其兩耳極則易人吹取活乃止若氣通
者以少桂湯稍稍嚥之徐徐乃以少粥清與之並

出第三卷中

仲景云自縊死旦至暮雖已冷必可療暮至旦小難也
恐此當言陰氣盛故也然夏時夜短於晝又熱猶應可
療又云心下若微溫者一日以上猶可活皆徐徐抱解
不得截繩上下安被卧之一人以脚踏其兩肩手小挽
其髮常弦弦勿縱之一人以手按據背上微動之一人
摩捋臂脛屈伸之若已殭但漸漸強屈之並按其腹如
此一炊頃氣從口出呼吸眼開而猶引按莫置亦勿苦

勞之須令可少桂心湯及粥清含與之令濡喉漸漸能
嚥乃稍止兼令兩人各以管吹其兩耳彌好此最善無
不活者並皆療之

肘後備急文仲古今錄驗同

備急方

以罽衣若氍毹厚氈物覆其口鼻抑之令兩人極
力吹其兩耳一炊頃可活也

肘後千金文仲集驗
小品同

又方

懸牽其頭髮塞兩耳勿令通氣以葱葉刺鼻中兩

人極力痛吹之嚙其兩腳踵即活亦可塞鼻而吹

口活也

小品古今錄驗同

范汪療自縊死方

懸其髮令足裁至地一時許即活

又方

急手掩其口鼻勿令內氣稍出二時許氣至即活

備急文仲古今錄驗肘後同

又方

以絹急絞身體令堅以車牛載行三十里許使人
於車上行踏肩引髮吹耳

又方

以松子油內口中令得入咽中則便活

千金療自縊死方

以藍青汁灌之又極須安定身心徐徐緩解慎勿
割繩抱取心下猶溫者刺雞冠血滴口中即活男
用雌雞女用雄雞

又方

雞屎白以棗許酒半盞和灌口鼻中即活

又方

梁上塵如大豆各內一筒中四人各一筒同時吹
兩耳鼻中極力吹之即活

又方

尿鼻口眼耳中並捉頭髮一撮如筆管大掣之立

活並出第二十六卷中

刪繁療五絕死方

一曰自縊二曰牆壁所迫三曰溺水四曰魘魅五
曰產乳皆取半夏一兩擣篩吹一大豆內鼻孔中
即活心下溫一日者亦可活

千金同

熱暈方七首

病源夏月炎熱人多冒涉途路熱毒入內與五藏相並
客邪熾盛鬱瘀不宣致陰氣卒絕陽氣暴擁經絡不通
故奄然悶絕謂之暈也然此乃外邪所擊真藏未壞若

遇便療救氣宣則蘇也夫熱暈不可得冷得冷便死此
謂外邪卒以冷觸其熱蘊積於內不得宣發故也又冒
熱困乏候人盛暑之時觸冒大熱熱毒之氣入藏則悶
鬱冒至於困乏也

並出第二十三卷中

肘後夏月中熱暈死凡中暈死不可使得冷得冷便死
療之方

以屈革帶繞暈人臍使三四人尿其中令溫亦可
用泥土屈草亦可扣瓦碗底若脫車釭以著暈人

臍上取令尿不得流去而已此謂道路窮急無湯
當令人尿其中仲景云欲使多人尿取令溫若有
湯便可與之仲景云不用泥及車釭恐此物冷喝
既在夏月得熱土泥暖車釭亦可用也

備急文仲

集驗小品千金同

又方

灸兩乳頭各七壯

千金同

又方

取道中熱塵土以積暍人心下多為佳少冷即易

通氣也

千金同

又方

擣菖蒲汁飲之一二升

又凡此療自經溺暍之法並出自張仲景為之其意理殊絕殆非常情所及亦非本草之所能開悟實拯救人之大術矣傷寒家別復有暍病在上仲景論中非此遇熱之暍

文仲同出第七卷中

千金療熱暈方

可飲熱湯亦可用少乾薑橘皮甘草煮飲之稍稍
噉勿頓使飽但以熱土及熱灰土擁其上佳

古今

錄驗同

文仲療夏月暈死方

濃煮蓼汁灌三升不差更灌之

肘後千金同

古今錄驗療熱暈方

令人口噓心前令暖易人為之

肘後同

溺死方九首

病源人為水所投溺水從孔竅入灌注腑藏其氣擁閉故死早拯救得出即泄瀉其水令氣血得通便得活又云經半日及一日猶可療氣若已絕心下暖者亦可活

出第二十三卷中

肘後療溺死一宿者尚可活方

以皂莢末綿裹內下部中須臾出水則活

古今錄驗同

又方

倒懸解衣挑去臍中垢極吹兩耳即活

集驗千金

小品文仲備急同

又方

倒懸死人以好酒灌鼻中立活

千金備急文仲古今錄驗同

又方

取甕傾之以死者伏甕上令口臨甕口燃以蘆火
二七把燒甕中當死人心下令煙出小入死者鼻
口中鼻口中水出盡則活蘆盡更益為之取活而

止常以手候死人身及甕勿令甚熱冬天常令火
氣能使死人心下得煖若卒無甕可就岸穿地令
如甕燒之令煖乃以死人著上亦可用車轂為之
當勿隱其腹及令得低頭使水出并熬灰數斛以
粉身濕即易

千金同

小品療溺死若身尚暖者方

取灶中灰兩石餘以埋人從頭至足水出七孔即
活備急千金肘後同

又方

便脫取暖釜覆之取溺人伏上腹中出水便活也

肘後同並出第十卷中

千金療落水死方

以灶中灰布地令厚五寸以甌側著灰上合死人
於甌上使頭小垂下炒鹽二方寸七內管中吹下
孔中即當吐水水下因去甌以死人著灰中擁身
使出鼻口即活矣

又方

掘地作坑中熬灰數斛內坑中下死人覆灰濕徹
即易之勿令灰熱烙燂人冷即易之半日即活

備急療溺死方

屈死人兩脚著人肩上以死人背向生人背負持

走吐出水便活

肘後云亦治凍死千金肘後文仲
集驗小品古今錄驗同出第八卷中

凍死方一首

病源人有在途路逢淒風苦雨繁霜大雪衣服霑濡冷

氣入藏致令陰氣閉於內陽氣絕於外榮衛結澁不復流通故致噤絕而死若早得救療血溫氣通則生又云凍死一日猶可活過此即不療

出第二十三卷中

肘後療冬天墮水凍四肢直口禁裁有微氣出方

以大器中多熬灰使煖囊盛以薄其心上冷即易心煖氣通目則得轉口乃開可溫尿粥清稍稍含之即活若不先溫其心便持火炙其身冷氣與火相搏則死

集驗備急文仲千金古今錄驗同

入井塚悶方二首

肘後云此事他方少有其說且人為之寡不俟別條今
於水凍之後附此乃是地氣薰蒸蓋亦障霧之例服諸
解毒犀角雄黃麝香之屬豉豆竹瀝升麻諸湯亦應為
佳

出第三卷中

小品療入井塚悶冒方

凡五月六月井中及深塚中皆有伏氣入中令人
鬱悶殺人如其必須入中者先以鷄鴨雜鳥毛投

之直下至底則無伏氣毛若徘徊不下則有毒氣也亦可内生六畜等置中若有毒其物即死必須入不得已當先以酒若無以苦酒數升先灑井塚中四邊畔停少時然後可入若覺中有些氣鬱悶奄奄欲死者還取其中水灑人面令飲之又以灌其頭及身體即活若無水取他水用也


肘後千金

錄驗同出第十卷中

千金療入井塚毒氣方

取他井中水灑身上至三食頃便活若東井取西
井南井取北井中水用之

出第二十六卷中



外臺秘要方卷二十八